

# Ленинэнь киява

ВЛКСМ-нь Мокшэрзянь обкомонт ды Саранскоень ошонь комитетэнь газетаст

АПРЕЛЕНЬ

6 чи,

1937 ие

№ 40 (714)

АЯСК:

7-дн ие  
1937 г.

## СТАЛИН ялганть заключительной валозо ВКП(б)-нь ЦК-нь Пленумсонтъ 1937 иень мартонь 5-це чистэнтъ

Ялга!

Мон эсинь докладсон кортынть толкова-  
викс теветь основной вопроствэде. Прени-  
ятне невтизь, што минек ней ули допроконь  
ясность, ули задачатнень чаркодема ды ули  
анок-чи минек роботавть асатыксэнэ маш-  
томантень. Но прениятне истя жо невтизь,  
што ули минек организационно-политичес-  
кой практикань кой-кодат конкретной воп-  
рост, конатнень коряс арась эщо минек доп-  
рок парсте чаркодема. Истят вопроствэде мон  
ловинь сисем.

Мереде евтасм зярояк валт неть воп-  
роствэде.

1) Ней, эряви арсемс, весе чаркодизь,  
осознали, што хозяйственной кампаниятнесэ  
ды хозяйственной успехтнесэ пек покш ув-  
лечениясь партийно-политической вопроствэ-  
нэ лангс беряньстэ вавоманть ды сынст  
стувтнеманть пингстэ—вети тупикс. Эряви,  
стала быть, велавтомс роботиктнень мелест  
партийно-политической вопроствэнь енов истя,  
штобу хозяйственной успехтне увелечить  
сюлмавозь ды молевельть ве лув партийно-  
политической роботань успехтнень марто

Кода практически тевсэ ютартомс пар-  
тийно-политической роботань виензамонь  
задачанть, хозяйственной успехтнень ме-  
стамонь менямонь за-  
дачанть? Кода нейви прениятнесэ, кой-кона  
ялгатне арсить тееме тень эйстэ аволь виде  
вывод седе, што ней келя сави овси туемс  
ве енов хозяйственной роботанть эйстэ. По-  
крайней мере ульнеть вайгельть: ну, ней,  
пасиба пазонтень, мендяно хозяйственной  
тевтнеде, ней можна кундамс партийно-по-  
литической роботанть. Виде ли те вы-  
водось? Арась, а виде. Зярдэ минек пар-  
тийной ялгатне, хозяйственной успехтнесэ ме-  
лест витезь, ве енов тукшность политиканть  
эйстэ, те ульнесь крайность, кона теишь  
пекш жертват. Бути ней минек кой-кона  
ялгатне партийно-политической роботанть  
виензамонть кундазь, снартыть туеме ве  
енов хозяйстванть эйстэ, сестэ те ули ом-  
боце крайность, кона минек теи аволь се-  
де аламо жертват. А эряви кайсеемс вейке  
крайность эомбоцес. А эряви политиканть  
явкшномс хозяйстванть эйстэ. Минь не мо-  
жем туеме хозяйстванть эйстэ ве енов истя  
жо кода не можем туемс политиканть эйстэ.  
Тонавтнеманть удобстванзо кис ломаньтне  
методологически община явкшныть хозяйст-  
вань вопроствэнь политикань вопроствэ эй-  
стэ. Но те тейневи ансяк методологически,  
искусственна, ансяк тонавтнеманть удоб-  
стванзо кис. Эрямосонтъ, мекев ланг, прак-  
тикасэ политикась ды хозяйствась а яво-  
викст. Сынэ эрить вейсэ ды вейсэ действо-  
ют. Ды се, кие минек практической поли-  
тикасонтъ ари хозяйстванть явомс полити-  
канть эйстэ, хозяйственной роботанть виен-  
замс политической роботанть вишкалгавтозь  
эли, мекев ланг, политической роботанть  
виензамс хозяйственной роботанть вишкал-  
гавтозь,—се обязательна понгони тупикс.

Партийной организацианть хозяйствен-  
ной мелочтнень эйстэ менямонть ды партий-  
но-политической роботанть виензамонзо ку-  
валт резолюциянь проектэнь содавикс  
пунктонть смыслазо ашти аволь сеньсэ,  
штобу ве енов туемс хозяйственной  
роботанть ды хозяйственной руковод-  
стванть эйстэ, но ансяк сеньсэ, штобу седе  
тов а нолднемс хозяйственной организанть  
сынст ютксо ды сех пек земельной орган-  
тань минек партийной организациань по-  
лавомань ды обезличениянь практиканть.  
Эряви, стала быть, содамс хозяйственной  
организанть лангсо большевистской руковод-

ствань методонть, кона ашти сеньсэ, што-  
бу свал лездасм неть организанть, свал  
кемекстам сынст ды хозяйстванть ветьямс  
аволь неть организанть вакска, но сынст  
вельде. Эряви максомс хозяйственной орган-  
тань ды васняк земельной организанть  
сех паро ломанть, эряви укомплектовать  
неть организанть сех паро од роботиксэ,  
конат маштыть топавтомс сынст лангс пу-  
тозь задачатнень. Ансяк седе мейле, кода  
ули теезь те роботась, можна ули кемес  
сень лангс, што партийной организациань  
педепев ули менсязь хозяйственной мелоч-  
тнень эйстэ. Чаркодеви, што те тевесь серь-  
езной ды веши содавикс шкас. Но зярс мезе  
те алак тее, партийной организациань сави  
икеле пелевгак, определенной нурька  
шкас, кеместэ роботамс велень хозяйствань  
тевтнень коряс весе сынст мелочтнень мар-  
то, сокамонтъ, видеманть, сюронь урядомонть  
коряс ды лият.

2) Кавто валт вредительтнеде, диверсант-  
тнеде, шпионьтнеде ды лиятнеде. Ней, мон  
арсян, весеменень чаркодеви, што неень  
шкань вредительтне ды диверсантне, кода-  
мо флаг алов бу аволь кекшне, троцкист-  
ской эли бухаринской, умок уш лоткасть  
улемадо рабочей движениасонтъ политиче-  
ской вредительтне, диверсантне, профессио-  
нонь, машиницань беспринципной ды  
безыдейной бандакс. Чаркодеви, што неть го-  
сподатнень рабочей классонть прок врагтнень,  
минек родиванть прок изменниктнень—сави  
тапамс ды юрнэк таргсемс пощадавтомо. Те  
чаркодеви ды а веши седе тов толковамо.

Но вана вопрос: кода практически юта-  
вомс тевс троцкизманть японо-германской  
агенттань разгромонь ды юрнэк таргсемань  
задачанть? Корты ли те седе, што эривить  
тапамс ды юрнэк таргсемс аволь ансяк  
алкуксонь врагтнень, но сетеньгак, конат  
зярдэ бути зиремкшность троцкизманть енов,  
мейле жо, умок уш, тусть троцкизманть  
эйстэ, аволь ансяк сетень, конат алкукс  
аштыть вредительствань троцкистской аген-  
тэкс. Но сетеньгак, конат зярдэ бути ютасть  
ульцыва, конань ээга зярдэ бути яксесь те  
эли тона троцкистсь? Покрайней мере ис-  
тят вайгельть кайсететсь тесэ Пленумсонтъ.  
Можна ли ловомс резолюциянь истямо  
толковамонзо видекс? Арась, а кода ловомс  
видекс. Те вопроствэнь, кода весе лия воп-  
роствэсаяк, эряви индивидуальной, диффе-  
ренцированной подход. А эряви весень на-  
рамс вейке сурдемень коряс. Истямо огуль-  
ной подходось может теемс ансяк зыян ал-  
куксонь троцкистской вредительтнень ды  
шпионтнень каршо бороцямонь теветень.

Минек ответственной ялгатнень ютксо  
улиять кой-зяро икелень троцкистт, конат  
умок уш тусть троцкизманть эйстэ ды ве-  
тять троцкизманть каршо бороцямэ а седе  
беряньстэ, но мик седе парсте минек кой-  
кона вечкевикс ялгатнень коряс, конатнень  
арасель троцкизманть енов чиремемань слу-  
чаест. Улечель бу глупо чумондомс ней ис-  
тят ялгатнень.

Минек ялгатнень ютксо улиять истяткак,  
конат идеологически эрва зярдэ ульнеть  
троцкизманть каршо, но, тень лангс алак ва-  
но, сын кирдсть личной связь кой-кона тро-  
кистнень марто, конань сын куроксто сезизь,  
кодак ансяк тест кармась улеме чаркодеви-  
ксэкс троцкизманть практической физионо-  
миязо. Нама, аволь вадря, што сын кой-  
кона троцкистнень марто личной приятель-  
ской сюлмавомаст сезизь аволь сеске жо,  
но седе позда. Но улечель бу глупо ваямс  
истят ялгатнень вейке куцяс троцкистнень  
марто.

3) Мезе те истя—видестэ кочксемс ро-  
ботиктнень ды видестэ сынст аравтнемэ  
роботасо?

Те значит кочксемс роботиктнень, вас-  
няк, политической признаконь коряс, лиякс  
меремс заслуживают ли сын политической  
кемеманть, ды, омбоцекс, деловой призна-  
конь коряс, лиякс меремс маштовикст ли  
сын те эли тона конкретной роботанть.

Те значит деловой подходонть а тейнемс  
делаческой подходокс, зярдэ ломаньтне ан-  
сяк бажить содамс роботиктнень деловой  
качества, но а снартить содамс сынст  
политической физиономияст.

Те значит, политической подходонть а  
тейнемс вейкине ды весе теветень прядык  
подходокс, зярдэ ломаньтне бажить содамс  
роботиктнень политической физиономияст,  
но а снартить содамс сынст деловой каче-  
стваст.

Можна ли меремс, што большевистской  
те правиланть топавтыть минек партийной  
ялгатне? Кода а жаль, нельзя тень меремс.  
Тесэ Пленумсонтъ кортасть уш тедэ. Но  
эзизь ева весень педепев. Тевесь сеньсэ,  
што те испытанной правилась колсеви ми-  
нек практикасонтъ секе тев ды теке марто  
сехте грубойстэ. Роботиктнень сех седе-  
стэ кочкить аволь объективной признак-  
вательски-мещанской признаконь тей об-  
седесть кочкить, кода мернить, содавикс  
ломанть, оят, землякт, сынест преданной  
ломанть, эсист шептнень шнамонь кувалт  
мастертнень—сынст политической ды дел-  
вой маштовикс-чист лангс алак вано.

Чаркодеви, што ответственной роботик-  
тнень руководящей группанть таркас тей-  
невкшни малавикс ломаньтнень семейка,  
артель, конань члентне бажить эрамс сать-  
местэ, а обижамс вейкест-вейкест, а лив-  
темс кудосто соронть, шнамс вейкест-вей-  
кест ды шкасто шкас центрав кучнемс ча-  
во ды тошнотворной рапортт успехедест.

Аволь стака чаркодемс, што семейной  
истямо обстановкасонтъ не может улемс  
тарка роботань а сатыктнень критикова-  
монть туртовгак, роботанть руководитель-  
тнень самокритиканть туртовгак.

Чаркодеви, што семейственной истямо  
обстановкась теи благоприятной среда под-  
халимтнень кастантень, ломаньтнень, ко-  
нань арась эсь достоинствань чувстваст ды  
секс мезесткак общест арась большеви-  
манть марто.

Саемс, примеркс, Мирзоян ды Вайнов  
ялгатнень. Васенцесь сынст эйстэ—Казах-  
станонь краевой партийной организациань  
секретарь, омбоцес—Ярославской област-  
ной партийной организациань секретарь.  
Неть ломаньтне минек ютксо аволь берянь  
роботикт. Кода жо сын кочкить робо-  
тиктнень? Васенцесь эсь мартонзо Казах-  
станонь уксэ Азербайджансто ды Уралсто,  
косо сон икеле роботась, 30—40 „эсэ“  
ломанть ды сынст аравтнинэе Казахстансо  
ответственной таркава. Омбоцес эсь мар-  
тонзо Ярославля уксэ Донбассто, косо  
сон икеле роботась, кеменде ламо истямо  
„эсэ“ ломанть ды сынст истямо аравтнин-  
эе ответственной таркава, ули стала быть,  
эсинэ артелезэ Мирзоян ялганть. Ули сон  
Вайнов ялгантькак. Нат а кода ульнесь коч-  
камс роботикт тосконь ломаньтнестэ, ломань-  
тнень кочксемадонть ды аравтнемадонть боль-  
шевистской содавикс правиланть коряс те-  
езь? Нама, можна ульнесь бу, Мексэно сын  
тень эзизь тее? Секс, што роботиктнень коч-  
семань большевистской правилась ерты обыва-

32

(Поладксозо 2-це страницасо).



# СТАЛИН ялганть заключительной валозо ВКП(б)-нь ЦК-нь Пленумсонть 1937 иень мартонь 5-це чистэнтъ (ПОЛАДКСОЗО).

тельско-мещанской подходонь возможностень, ерты семейственностень ды артельностень признаконь коряс работниктнень кочкамонь возможностень. Теде башка, роботникекс сынест преданной ломаньтнень кочка неть ялганть арестъ, паряк, эсист туртов теэмс кода тосконь ломаньтнень эйстэ, истяжо партиянь ЦК-нтъ эйстэ кой кодамо независимостень обстановка. Мердяно, што Мирзоян ды Вайнов ялганть кодаткак обстоятельствань кувалт улитъ кучозь сынест роботамонь неень таркасонть кодаможлия таркав. Местъ сынест истямо случайстэ сави тейнемс эсист „пулотнень“ марто? Натъ сынест таго сави усксемс сынест эсь роботаст од таркатнес?

Вана кодамо абсурдс пачтни роботниктнень видестэ кочксемадост ды аравтнемадост большевистской правиланть колсемась.

4) Мезе те—проверямс роботниктнень, проверямс максозь тевтнень топавтоманть?

Проверямс роботниктнень, те значит сынест проверямс аволь алтнемаст ды декларацияст коряс, но сынест роботаст результаттнень коряс.

Проверямс максозь тевтнень топавтоманть, те значит проверямс сынест аволь ансяк канцеляриясо ды аволь ансяк формальной отчеттнень коряс, но васняк проверямс сынест роботамонь таркасонть, топавтомань фактической результаттнень коряс.

Эряви ли вообще истямо проверямость? Безусловна, эряви. Эряви, васняк, секс, што ансяк истямо проверямость максы возможность содамс роботниктнень, содамс сонзэ алкуксонь качестванзо. Эряви, омбоцекс, секс, што ансяк истямо проверямость максы возможность содамс исполнительной аппаратуры, секс, што ансяк истямо проверямость максы возможность неемс заданиятнень сынест вадра енкост ды асатыкстэ.

Кой-кона ялганть арсать, што ломаньтнень проверямс можна ансяк верде, зярдо руководителтне проверить руководимойтнень сынест роботаст результаттнень коряс. Те аволь виде. Верде проверямость, нама, эряви, ломаньтнень проверямонь ды максозь тевтнень топавтоманть проверямонь алкуксонь мератнень эйстэ прок вейке мера. Но верде проверямость ламодо эщо педепев а пряды проверямонь весе тевенть. Ули эщо лия проверямо, ало ендю проверямо, зярдо массатне, зярдо руководимойтне проверить руководителтнень, тешкстыть сынест ильведкстэ ды невить сынест витемань китнень. Истямо проверкас ашти ломаньтнень проверямонь сех алкуксонь способтнень эйстэ вейкекс.

Партийной массатне эсист руководителтнень активсэ, конференциясо, с'ездсэ проверить сынест отчетост кунцолозь, асатыкстнень критиковазь, меельсэ пелев, руководящей неть эли нонат ялганть руководящей органс кочкамосо эли а кочкамосо. Партиясонть демократической централиманть точно ютавтомась, кода тень веши минек партиянтъ уставозо, партийной органтнень безусловной кочкамось, кандидатонь аравтомань эли отводонь правась, салавань голосованьясь, критикань ды самокритикань оля-чись,—весе неть ды сынест кондят мероприятияне эрявить ютавтомс эрямосо сень кис, между прочим, штобу шождатгавтомс партиянь массатнень ендю партиянь руководителтнень проверямонть ды контроленть.

Беспартийной массатне проверить эсист хозяйственной, профессионалистской ды лия руководителтнень беспартийной активсэ, эрва кодамо массовой совещаниясо, косо сынест кунцолокшныть эсист руководителест отчетт, критиковать а сатыкстнень ды тешкстыть сынест витемань китнень.

Меельсекс, народось масторонь ветицятнень провери Советской Союзонть властен органт-с всеобщей, равной, прямой ды тайной голосованьянь коряс кочкамонтень шкасто.

Задачасть ашти сеньсэ, штобу верде проверямонть сюлмамс ало ендю проверямонть марто.

5) Мезе те—тонавтомс кадратнень сынест эсист ильведкстэ лангсо?

Ленин тонавтсь, што партиянтъ ильведксэнзэ добросовестностэ лангс таргамось, неть ильведкстнень теиця тувталтнень тонавтнемась, ды неть ильведкстнень витеманть туртоз эрявикс китнень тешкстамось, ашти партийной кадратнень видестэ тонавтомань ды воспитаниянь, рабочей классонть ды трудиянь массатнень видестэ тонавтомань ды воспитаниянь сех паро средстватнень эйстэ вейкекс. Ленин корты:

„Политической партиянтъ сонсинзэ ильведкстнень отношениязо ашти партиянтъ серьезностензэ ды эсь классонтень ды трудия массатнень обязанностьтнень сонзэ ендю тевсэ топавтоманть сех важной ды сех виде критерийтнень эйстэ вейкекс. Наяв виткстамс ильведкстэнтъ, лангс таргамс сонзэ тувталтнень, проанализировать обстановканть, кона сонзэ теизе, парсте толковамс ильведксэнть витемс средстватнень—те вана серьезной партиянтъ признакозо, вана те сонзэ ендю эсь обязанностьтнень топавтомась, вана те—классонтъ, мейле жо массантькак воспитания ды тонавтома“.

Те значит, што большевиктнень обязанностьк ашти эсь ильведкстнень аволь кекшемась-сепомась, сынест ильведкстнэде вопросонть эйстэ аволь принь кайсемась, кода те минек сеедьстэ эрси, но эсь ильведкстнень честна ды наяв евтамось, неть ильведкстнень витеманть туртов китнень честна ды наяв тешкстамось, эсь ильведк-

Мон бу аволинь мере, што ламот минек ялганть эйстэ покш мельсэ молевельть те тевентень. Но большевиктнень, бути сын алкукс арсать улеме большевикекс, эряви эсь эйсэст муемс мужества наяв евтамс эсь ильведкстнень, лангс таргамс сынест тувталост, тешкстамс сынест витемань китъ ды теньсэ лездеамс партиянтень максомс кадратнень виде тонавтнема ды политической виде воспитания. Секс, што ансяк те кинть лангсо, ансяк наяв ды честной самокритикань обстановкас можно кастомс-тонавтомс алкукс большевистской кадрат, можно кастомс-тонавтомс алкуксонь большевистской лидерт.

Кавто примерт, конат невить Ленинэнь положениязо виде-чинть.

Саемс, примеркс, колхозной строительствасонть минек ильведкстнень. Тынк мельсэ ашти, паряк, 1930 иень, зярдо минек партийной ялганть арсать колхозной строительстванть крестьянстванть ютавтомань пек сложной задачанть решамс кодамож 3—4 ковс ды зярдо партиянь Центральной Комитетэнтень савсь потавтомс пек капшиця ялганть. Те ульнесь минек партиянтъ эрямосонзо сех опасной шкатнень эйстэ вейкекс. Ильведксэнзэ сеньсэ, што минек партийной ялганть стувтсь колхозной строительстванть добровольностензэ, стувтсь, што крестьянстванть колхозной ки лангс а кода ютавтомс административной лепштямонь вельде, стувтсь, што колхозной строительствась веши тщательной ды арсезь роботань аволь зярок ковт, но зярия иеть. Сын стувтызь тень ды эсь арсе виткстамс эсист ильведкстэ кувалт. Тынк мельсэ ашти, паряк, што ЦК-нтъ указаниязо успешнэде принь велеськадоманть ды седе, штобу таркасо минек ялганть авольт капша икелев, реальной обстановканть мезекскак атак лова,—ульнесь вастозь пек беряньстэ. Но ЦК-нтъ те эзизе лоткавто сень эйстэ, штобу модемс чудеманть каршо ды минек партийной ялганть велывтомс виде ки лангс. Ды мезе жо? Ней чаркодеви весеменень, што партиясь теизе эсинзэнтъ, минек партийной ялганть виде ки лангс велывтозь. Ней минек улитъ крестьянтнень эйстэ ламо кемень тышат кадранок колхозной строительстванть ды колхозтнень велямонть коряс. Неть

кадратне кассть ды тонадсть 1930 иень ильведкстнень лангсо. Но неть кадратне минек авольт уле бу ней, бути бу партиясь аволинезэ чаркоде сестэ эсинзэ ильведкстнень ды аволинезэ вите эсь шкасто.

Омбоце пример уш промышленной строительстванть. Мон мельсэ кирдян шахтинской вредительстванть шкан минек ильведкстнень. Минек ильведксэнек ульнесь сеньсэ, што минь а ловилинек промышленностензэ минек кадратнень технически удалов кадовоманть, минь миринек те удалов кадовоманть марто ды арсинек велямс социалистической промышленной келей строительства враждебно настроенной специалисттнень лездеамост марто, буржуазной специалисттнень ваксо минек хозяйственной кадратнень берянь комиссаронь рольс азозь. Тынк мельсэнк ашти паряк, кода а мельсэ признали сестэ минек хозяйственной кадратне эсист ильведкстэ, кода а мельсэ признали сынест техникань коряс удалов кадовомаст ды кода лавшосто чаркодильть сынест лозунгонть—„овладеть техникасонть“. Ды мезе жо? Фактнэ невить, што „овладеть техникасонть“ лозунгось теизе эсинзэ тевензэ ды макссь эсинзэ вадра результатт. Ней минек улитъ кемень ды сядот тышат большевистской хозяйственной пек паро кадранок, конат овладели уш техникасонть ды шаштыть икелев минек промышленностень. Но неть кадратне минек авольт уле бу ней, бути бу партиясь тададоволь хозяйственниктнень упорства икеле, конатнень арасель мелест признать технически удалов кадовомаст, бути бу партиясь сестэ аволинезэ чаркоде эсинзэ ильведкстнень ды аволинезэ вите эсь шкасто.

Кой-кона ялганть кортыть, што аволь целесообразна кортамс наяв эсь ильведкстнэде, секс, што эсиг ильведкстнэде наяв признаниянь могут ловомс минек врагтнэ минек лавшо таркакс ды могут сынест нолдамс тень эсист тевс. Те чаво арсема, ялганть, виде паро чаво арсема. Эсинек ильведкстнэде наяв признаниясь ды честнастэ сынест витемась, мекев ланг, может ансяк виензамс минек партиянтъ, кепедемс минек партиянтъ авторитетэнзэ рабочейтнень, крестьянтнень ды трудовой интеллигенциянтъ сельмест икеле, кепедемс минек государстванть виензэ ды нардэнзэ. Те жо главноесь. Улевельть бу минек марто рабочейтне, крестьянтнэ, трудовой интеллигенциясь, все лиясь жо улеме карми.

Лия ялганть кортыть, што минек ильведкстнэде наяв признаниясь может пачтамс кадратнень аволь тонавтоманть ды кемекстамонтень, но сынест лавшомгадоманть ды коламонть, што минь должны жаямс ды ванстамс эсинек кадранок, што минь должны жаямс сынест эсь принь вечкемась ды спокойствияст. Тень кис сынест мернить кекшемс минек ялганть ильведкстэ, лавшомгавомс критиканть виензэ, эщо жо седе паро—ютамс неть ильведкстнень вакска. Истямо установкас ашти аволь ансяк юрнэк а видекс, но пек покшосто опаснойкс, опаснойкс васняк кадратнень туртов, конань арсать „жаямс“ ды „ванстамс“. Жаямс ды ванстамс кадратнень сынест ильведкстэст сепозь,—те значит секенъ вант емавтомс неть самой кадратнень. Минь бу секенъ вант емавтолинек эсинек колхозной большевистской кадранок, бути бу аволинек ливте лангс 1930 иень ильведкстнень ды аволинек тонавто сынест неть ильведкстнень лангсо. Минь бу секенъ вант емавтолинек эсинек промышленной большевистской кадранок, бути бу минь аволинек ливте лангс минек ялганть ильведкстэст шахтинской вредительстванть шкастонть ды аволинек тонавто минек промышленной кадратнень неть ильведкстнень лангсо. Кие арси жаямс минек кадратнень эсь принь вечкемась сынест ильведкстэст сепозь, се емавты кадратненьгак, кадратнень эсь принь вечкемась, секс, што сон сынест ильведкстэст сепозь шождатгавты од, нацияс се-

(Поладксозо 3-це страницасо).



# СТАЛИН ялганть заключительной валозо ВКП(б)-нь ЦК-нь Пленумсонть 1937 иень мартонь 5-це чистэнтъ (ПОЛАДКСОЗО).

де покш ильведевкстнэнь одов теаманть, конат, эряви арсемс, пачтасызь неть кадратнень целанек каладомас сынст, эсь прянь вечкемантень" ды "спокойствиянтень" зыянонь теезь.

6) Ленин тонавтсь минек аволь ансяк массатнень тонавтомо, но массатнень пельде тонавтнемак.

Мезде те корты?

Те корты, васняк, што минек, руководителенень, а эряви зазнаваться ды эряви чаркодемс, што бути минь ЦК-нь члент эли наркомт, то те эщо а корты седе, што минек улить весе знаниянок, конат эрявить сень туртов, штобу видестэ ветямс руководстванть. Чивсь сонсь эсь эйсэнь а макс знаният ды опыт. Званиясь—седеяк.

Те корты, омбоцекс, што ськамонзо ансяк минек опытэс, руководителень опытэс а саты сень кис, штобу видестэ ветямс руководстванть, што эряви, стала быть, поладомс эсик опытэнь, руководителень опытэнь, массатнень опытэс, партийной массатнень опытэс, рабочей классонть опытэс, народонть опытэс.

Те корты, колмоцекс, вейкек минутас а лавшолгавнемс, седеяк жо пек а сезневкшнемс массатнень марто минек ськамоманок.

Те корты, нилецекс, чуткойстэ кунсолочномс массатнень вайгеленть, партийня рядовой члентнэнь вайгеленть, кода мерить "вишка ломаньтень" вайгеленть, народонть вайгеленть.

Мезе те значит видестэ ветямс руководстванть?

Те овси а корты аштемс канцеляриясо ды строчамс директиват.

Видестэ ветямс руководства—те значит: васняк, муемс вопросонть видестэ решениянзо. Видестэ решениянть жо а кода муемс массатнень опытэс апак лово, конат (массатне) эсик сьадиксэс лангсо кандить минек руководствань результатнэнь; омбоцекс, организовамс решениянть видестэ тевс ютавтоманзо, мезенть, яла теке, а кода теамс массатнень эндо прямой лезкстэменть;

колмоцекс, организовамс те решениянть тонавтоманзо проверямонть, мезенть, таго яла а кода теамс массатнень прямой лезкстэменть.

Минь, руководителне, нейтино вещатнень, событиянтень, ломаньтень ансяк ве эндо, мон бу меревлинь—верде, минек неема тарканок, стала, быть, кода а кода киртязь. Массатне, мекев ланг, неить вещатнень, событиянтень, ломаньтень лия эндо, мон бу меревлинь ало эндо, сынст неема таркаст тожо, стала быть, содавишкасто киртязь. Штобу получаамс вопросонть видестэ решениянзо, эряви вейсэндямс неть кавто опытнэнь. Ансяк истямо случайстэ руководствась карми улеме видекс.

Вана мезе те значит аволь ансяк тонавтомс массатнень, но тонавтнемс массатнень пельдеяк.

Кавто примерт, конат невтить Ленинэнь те положениянть виде чинэз.

Те ульнесь зярия неде теде икеле. Минь, ЦК-нь члентнэ, толковилинек Донбассо тевенть вадрылгавтоманозо вопросонть. Мероприятиянтень проектэс, конань максокшнызе Наркомтяжес, ульнесь малавгак аволь удовлетворительнойкс. Колмоцекс велявтилик проектэнь Наркомтяжев. Колмоцекс получакишилик Наркомтяженть пельде яла лия проект. Ды яла жо а кода ульнесь ловомс сынст удовлетворительнойкс. Меельсекс, минь решинек тердемс Донбассо зяряк рабочейть ды хозяйственной ды профессиональной рядовой работникт. Колмо чить картинек неть ялгатнень марто. Ды весе минь, ЦК-нь члентнэ, должны ульнилик признать, што ансяк сын, неть рядовой работниктэ, неть "вишка ломаньтне" машсть евтам минек виде решения. Тын повнясынк Донбассо уголиян таргамонть виензамодонзо мератнеде ЦК-нь ды Совнаркомонть содавикс решениянть. Истя вана ЦК-нь ды Совнаркомонть те решениянть, ко-

нань ловизь весе минек ялгатне видекс ды мик знаменитой решениякс, евызь минек ало аштиця простой ломанть.

Лия пример. Мон кирдян мельсэнь Николаенко ялганть марто примерэнь. Кие истямось Николаенко? Николаенко—те партиянь рядовой член. Сон—обыкновенной "вишка ломань". Цела не сон пачтнесь кулят Киевсь партийной организациясонть а вадры тевтнеде, таргсесь лангс семейственностень, работниктнэнь мешанско-обывательской подходонть, самокритикань лепштимонть, троцкистской вредительнень засилиянт. Сонзэ эйсэ лансесь прок мелень мольстиця карвонть. Меельсекс, штобу менемс сонзэ эйстэ, сонзэ саизь ды панизь партиясто. Киевской организацияськак, КП(б)У-нь ЦК-ськак эсть лезде сонензэ муемс виде чинть. Ансяк партиянь Центральной Комитетанть вмешательствазо лездез юкснемс те талавкс ськомонть. Мезе жо лиссь лангс тевенть ванкшномадонзо мейле? Лиссь, што Николаенко ульнесь виде, Киевской организациясь жо ульнесь а виде. А седе ламо, а седе аламо. Но ведь кие истямось Николаенко? Сон, нама, ЦК-нь аволь член, сон аволь нарком, сон Киевской областной организациянь аволь секретарь, сон мик кодамояк ячейкань аволь секретарь, сон партиянь ансяк простой рядовой член.

Кода нейсынек, простой ломаньтне, эрсить лиясто ков седе маласот виде чинтень, кода кой-кона покш учреждениатне.

Можня ульнесь бу невтемс эщо кементь ды сядот истят примерт.

Лисни истямо ладсо, што минек тевенть ветямонзо туртов ансяк ськамонзо минек опытэнек, руководителень опытэнек, пек эщо а саты. Сенькис, штобу видестэ ветямс руководства, эряви руководителень опытэнек поладомс партийной массатнень опытэс, рабочей классонть опытэснэ, трудицянть опытэс, кода мерить "вишка ломаньтень" опытэс.

Зярдо жо те тееви?

Те тееви ансяк сестэ, бути руководителне ськамавозь массатнень марто сехте кеместэ, бути сын ськамавозь партийной массатнень марто, рабочей классонть марто, крестьянстванть марто, трудовой интеллигенциянть марто.

Массатнень марто ськамавомась, те ськамавоманть кемекстамозо, массатнень вайгелест кунсоламась—вана мейсэ большевистской руководстванть виезэ ды а изнявиксчизэ.

Можна ловомс правилакс, што зяряс большевиктнэ ванстыгь народонь келей массатнень марто ськамавоманть, сын кармить улема а изнявикс. Ды мекев ланг, саты большевиктнэненъ сезевемс массатнень эйстэ ды емавомс сынст марто ськамавоманть, саты сынст вельтявомс бюрократической чемеьсэ, штобу аволь карма улема кодамояк виест ды теевельть чавокс.

Кезэренъ гректнэнь сынст мифологиянь системасот ульнесь вейке знаменитой герой—Антей, кона ульнесь, кода корты мифологиясь, Посейдононь—морятнень пазонть ды Геинь—модань пазаванть церакс. Сон сех пек вечкилизэ эсинзэ аванзо, кона сонзэ шачтызе, тризе ды кастызе. Арасель истямо герой, конань бу аволизэ изня сон—те Антеес. Сон лововсь а изнявиця героекс. Мейсэ ульнесь сонзэ виезэ? Сон ульнесь сеньсэ, што эрва зярдо, кода сонензэ душманонть каршо бороцямсго эрсекинесь стака, сон токиль модантень, эсинзэ аванстень, кона шачтызе ды тризе сонзэ, ды получил одвий. Но сонзэ ульнесь яла теке эсинзэ лавшо тарказо—те моданть эйстэ кодамояк ладсо сезевемань теевемась. Душмантнэ ловсть сонзэ те лавшо тарканть ды ванкшнестэ сонзэ. Ды вана муевсь душман, кона нолдызе тевс сонзэ те лавшо чинть ды изнизе сонзэ. Те ульнесь Геркулес. Но кода сон изнизе сонзэ? Сон саизэ сонзэ модастонть, кепедизе коштов, я-льгизе модантень токивомо сонзэ возможностензэ ды лепшавтызе сонзэ истя коштонть.

Мон арсян, што большевиктнэ молитъ греческой мифологиянь героенть Антеенъ енов. Сын, истя жо, кода Антейгак, виевь сеньсэ, што ськамавозь эсик аваст марто, массатнень марто, конат шачтызь, тризь ды кастызь сынст. Ды зяряс сын кармить улема ськамавозь эсик аваст марто, народонть марто, сынст улить весе шансост сеньсэ, штобу кадомс а изнявицякс.

Теньсэ большевиктнэнь а изнявомань кедь-енксось.

7) Мельсекс, эщо вейке вопрос. Мон кирдян мельсэнь партиянь кой-кона члентнэнь судьбадост, партиянь члентнэнь партиясто панемань вопросонть, эли панезтнень партиянь члентнэнь правас мекев аравтома вопросонть минек партийной кой-кона ялгатнень формальной ды оймевтеме—бюрократической отношениянть вопросонть. Тевес сеньсэ, што минек партийной кой-кона руководителне сзредить ломаньтнень, партиянь члентнэненъ, работниктнэненъ мелень явомань аразь-чисэнтъ. Тедеяк ламо, сын а тонавтнить партиянь члентнэнь, а содыть, мейсэ сын эрить ды кода сын касыть, вообще а содасызь работниктнэнь. Секс сынст арась индивидуальной подходост партиянь члентнэненъ, партиянь работниктнэненъ. Ды самая секс, што сынст арась индивидуальной подходост партиянь члентнэненъ ды партийной работниктнэненъ оцекань макстнеманть пингстэ, сын яла теить апак вано: эли шныть сынст куцясо ды певтеме, эли чавныть сынст истя жо куцясо ды певтеме, пансить партиясто тыщасо ды кементь тыщасо. Истя руководителнень-вообще превест бажить арсеме кементь тыщасо, "вейкинетнеде" партиянь башка члентнеде, сынст судьбадост апак меляво. Панемс партиясто тыщат ды кементь тыщат ломанть сын ловить пустяковой тевекс, эсь мелест сеньсэ витезь, што партиясь минек кавтомиллионной ды кементь тыщат панезтне не могут мезяк лиякстомомс партиянь тевсэзэ. Но истя могут тейнеме партиянь члентнэнь марто ансяк ломанть, конат, алкукс койсэ, домкасто антипартийнойть.

Ломаньтнэненъ, партиянь члентнэненъ ды партийной работниктнэненъ истямо оймевтеме отношениянть кувалт искусственна тевеи недовольства ды кежень само партиянь ве пельксэнь, троцкистской двурушниктнэ жо пек парсте кундсить истят кежеавтозэ ялгатнень ды вадрысто ускить сынст эсик мельга троцкистской вредительствань болокас.

Сынсь эсик эйсэ троцкистнэ зярдок эсть ульне покш виекс минек партиясонть. Ледстинка минек партиясонть 1927 иестэ меельсэ дискуссиянть. Те ульнесь алкуксонь партийной референдум. Партиянь 854 тыщат члентнэстэ голосовасть сестэ партиянь 730 тыщат члент, сынст эйстэ большевиктнэнь кис, партиянь Центральной Комитетэнь кис троцкистнэнь каршо голосовасть партиянь 724 тыщат члент, троцкистнэнь кис жо партиянь 4 тыщат члент, лиякс меремс малав пель процент, ды воздержались партиянь 2600 члент. Голосованиясонть эсть прима участия 124 тыщат партиянь члент. Эсть прима сын участия эли секс, што ульнест ки лангсо, эли секс, што ульнест сменасо. Бути 4 тыщатнэненъ, конат голосовасть троцкистнэнь кис, пуюмс весе воздержавшейтнэнь,—седе арсезь, што сын тожо сочувствовали троцкистнэненъ, ды бути тенень пуюмс сетнень эйстэ, конат эсть ульне голосованиясонть аволь пель процент, кода тень эряволь теамс паре койсэ, но вете процент сынст эйстэ, конат эсть прима участия, лиякс меремс, партиянь члентнэнь эйстэ малав 6 тыщат, сестэ лиси партиянь малав 12 тыщат члент, конат истя эли кода сочувствовали троцкизманть. Вана тенк троцкист господанть весе виест. Поладик тенень се

83

(Пезэ 4-це страницасо).



# СТАЛИН ЯЛГАНТЬ ЗАКЛЮЧИТЕЛЬНОЙ ВАЛОЗО ВКП(б)-нъ ЦК-нъ ПЛЕНУМСОНТЬ 1937 ИЕНЬ МАРТОНЬ 5-це ЧИСТЭНТЬ (ПЕЗЭ).

обстоятельстванть, што ламотне сынст эй-стэ разочаровались троцкизмасонть ды, явстэ сонзэ эйстэ, ды тынь нейсынк троцкистской вийтнень пек лавшо-чист. Ды бути, тень лангс атак вант, троцкистской вредительтнень улить кой-кодамо резерваст минек партианть вакссо, то те секс, што партиасто панемадо ды панезтнень мекев при-мамодо вопросонть коряс минек кой-кона ялгатнень а виде политикаст, партиань кой-кона члентнень ды кой-кона работниктнень судьбадо минек кой-кона ялгатнень ой-мевтеме отношенияст искусственна теить недовольнойтнень ды озлобленнойтнень ла-мо-чист ды теить, истямо ладсо, троцкист-тнень неть резерватнень.

Пансить партиасто сехте пек, кода мерить, пассивностень кис. Мезе те истямо пассив-ностесь? Ловить, оказывается, што бути партиань членэс эссе чаркоде партиань программанть, сестэ сон пассивной ды эр-ви панемс. Но те жо а виде, ялгат. А эрви жо истя буйвоедски толковамс минек пар-тиянтэ уставонзо. Штобу пек парсте чарко-демс партианть программанзо, эрви улемс алкуксонь марксистэкс, проверяз ды теоре-тически анокстэз марксистэкс. Мон а со-дан, ламо ли минек муевить партиань членэнек, конат уш чаркодизь минек программанть, кармасть улеме алкук-сонь марксистэкс, теоретически анокстэкс ды проверязекс. Бути модемс седе тов те кияваст, сестэ минек саголь бу кадомс партиас ансяк интеллигентнень ды вообще ученой ломаньтнень. Кинень эрви истямо партиас? Минек ули проверяз ды весе ис-пытаниятнень цидардыца ленинской форму-ланок партиасо членствадонть. Те форму-ланть коряс партиань членкс лови се, ко-на признает партиань программанть, панды членскй взност ды роботы сонзэ вейке ор-ганизациясонзо. Явинк меленк: ленинской формуласонть евтэзь программанть аволь содамодонзо, но программанть признания-донзо, неть кавто вешатне овси аволь вей-кетть. А мезть кортамскак, што виде тесэ Ленин, но а минек партийной ялгатне, конат стяко лабордыть программанть сода-модонзо. Сон чаркодевиак. Бути бу парти-ясъ теевель тень коряс, што партиань чле-

некс могут улеме ансяк сеть ялгатне, конат уш содасызь программанть ды кармасть улеме теоретически анокстэз марксистэкс, сестэ сон аволь тейне бу партиасонть пар-тийной тышат кружокт, партийной сядот школат, косо партиань члентнень тонавтыть марксистэкс ды лездыть сынст минек про-граммавть чаркодеме. Пек чаркодеви, што бути партиас организови истят школат ды кружокт, партиань члентнень ютксо, то те секс, што сон соды, што партиань члентнэ эсть кенере эщо партийной программанть чаркодеме, эсть кенере эщо теоретически анокстэз марксистэкс теевеме.

Стала быть, штобу витемс партиас член-ствадонть ды партиасто панемадо вопро-сонть коряс минек политиканок, эрви пу-томс пе пассивностень вопросонть коряс неень головотяпской толковамонтень.

Но минек ули эщо лия пежетенек тень эйс. Тевесь сеньсэ, што минек ялгатне а ловить неть кавто крайностнень ютксо кун-шка виденть. Саты робочеентень, партиань члентнень теемс а покш чумо, поздаямс кавтошкаксть партийной промксонь, а пан-домс мекскак членской взност, штобу сонзэ могли панеманзо партиастонть вон. А ме-лявтыть содамс сонзэ чумонь покшолманть, промксонь а самонь тувталтнень, членской взностнень а пандомань тувталтнень кувалт. Бюрократизмась неть вопростнэсэ пряма а нехпневикс. А стака чаркодемс, што самай те оймевтеме политиканть кувалт кармасть улеме партиасто панезекс кадровой пек вадря робочейть, пек вадря стахановецт. Но нать а кода ульнесь, партиасто панемадо икеле, теемс предупреждения, бути те а ви-ти—автомат на вид эли максомс выговор, бути жо теяк а вिति—автоматс витевеманть туртов шка эли, сехте ламо, ютавтомс кан-дидатокс, но а панемс партиасто вест апол-дамсто? Нама, можна ульнесь. Но тень кис эрви покш мелень явома ломаньтнень, партиань члентнень, партиань члентнень судьбадо. Те жо самай а сатныак минек кой-кона ялгатнень.

Шка, ялгат, умок шка путомс пе те безо-бразиянтень. (Аплодисментт).

## Германиясь кучви Испанияв газт

Англиянь газетатнесэ нолдазь Испаниянь правительствань пред-ставителенть яволявтома седе, што Гамбургонь портсо (Герма-ния) грузить отравляющей вещест-ват, конатнень кучсызь испанской мятежниктнень.

— о о о —

## Испавской мятежниктнень тылсэ

Испанской печатьсэнтэ печатазь мятежной войскактнень солдат мар-то кортнема. Те солдатосэ Бриуэ-ганть маласо (гвадалахарской фронт) оружиянзо ды ручной бом-бань запас марто ютась республи-канецтнень енов.

Солдатосэ евтнесь, што Сара-госсо леднез уш 36 тышат ло-манть. Ошонть эрицяне вачодот. Казарматнень маласо ламо ават ды эйкакшт аштектнень покш оче-редьсэ сень кис, штобу мезеяк куш получамс сень эйстэ, мезе кадовкшны солдатнень ярсамодост мейле.

— о о о —

## В. П. Потемкин ялгась—омбо мастортнень марто тевень ветямонь коряс Народной Комиссаронть васеньце заместитель

СССР-нь Центральной Исполни-тельной Комитетнэ президиумосъ тейсь путовкс: Потемкин Влади-мир Петрович ялганть кемекстамс омбо мастортнень марто темень ветямонь коряс Народной Комис-саронть васеньце заместителекс.

Тень кувалт, СССР-нь Цент-ральной Исполнительной Комите-тань президиумосъ В. П. Потем-кин ялганть олякстомтызе Фран-циясо СССР-нь полномочной пред-ставителень обязанностьтэсэ. (ТАСС.)

— о о о —

## А. И. Герценэнь шачомадо мейле топодсть 125 иеть

Мартонь 6-це чистэнтэ топодсть 125 иеть рузонь покш писателенть ды публицистэнтэ Александр Ива-нович Герценэнь шачомадо мейле.

Герцен ульнесь Московонь сю-лав помещикень „аволь законной“ цера. Герцен лангс пек покш вли-яния тейсь декабристнень идеяст ды восстаниясь. Эщо од шкасто-сон решизе стямс инязоронь само-державиянтэ политической гнетон-зо каршо бороцямонь ки лангс. 1834 иестэнтэ сон панезель ссыл-кав прок „аволь благонадежной“. 1847 иестэнтэ тусь омбо масторов, косто седе мейле овси эзэ са Рос-сияв.

„Герцен тейсь вольной русской пресса границань томбале—теньсэ сонзэ ине заслугазо. „Полярная звезда“ кепедизе декабристнень традицияст. „Колоколось“ (1857—1867) кеместэ стясь крестьянтнень оляс менстямост кис“ (Ленин).

Герцендэ седе подробной мате-риал минь макстано сы номерсэнтэ.

Отв. редакторсь М. ЛЮПАЕВ

## МОКШЭРЗЯНЬ КОМСОМОЛОНЬ АКТИВЕНЬ ПРОМКССТО

Апрелень 3-це чистэ прениятне-сэ васеньсекс кортась Фенин ял-гась (ВЛКСМ-нь т Шайговань рай-комонь секретаресь). Сон тешксты-зэ сень, што Левиновский ялгась (ВЛКСМ-нь крайкомонь секретар-есь) эсинзэ докладсонзо кортась ансяк ВЛКСМ-нь крайкомонть ды сонзэ секретарьтнень ильведкст-нэде. Сон чавсь мештензэ ды эвядсь, штобу сынст проставлизь неть ильведкстнень кис, конат-нень тешкстынзэ эсинзэ постанов-лениясонзо ВЛКСМ-нь Куйбышев-ский крайкомонь пленумосъ ды ВЛКСМ-нь ЦК-сь.

Обкомонь руководителтне се-зевсть комсомольской массастонть, —корты седе тов Фенин ялгась. Сынст а чаркодсызь комсомолец-тнэ ды сын, руководителтне, ко-даяк а муить вейке кель од лoma-нень массатнень марто работа-сонть. Сын райононь якить аволь лездемо, аволь тонавтомом, но иль-ведксэнъ вешнеме, конатнень ко-ряс штобу мейле макснемс выго-ворт ВЛКСМ-нь обкомонь бюросо. Весе неть асатыктнэ—админист-рированиясь, пижнемась, крити-канть ды самокритиканть лепштя-мось, комсомольской основной мас-састонть ды мик райкомтэстэ се-зевемась пачтысь сенень, што

ВЛКСМ-нь обкомось велаятсь бю-рократической канцеляриякс, обко-монь секретарьтне жо од бюро-кратокс, судебной следователекс. Сон тешкстызе сеньгак, што МАССР-нь осовахижень цен-тральной советанть председа-телензэ заместителесь Мягков ял-гась кантли ансяк мундир, но кода эрви а роботы. Сон теевсь од бюрократокс. Минь кучниек ярмакт,—корты Фенин ялгась,—штобу рамамс планер, но Мягков ялгась а ярмактнень мекев кучи, а планер ды серманок лангскак а отечи. Ды мон а содан кие ВЛКСМ-нь обкомонтень макссь истямо грав, штобу Мягковонь сораваомс бюронь членэкс, сестэ зярдо сон пленумонь членкскак арасель. Истя жо обкомонь членкс теизь Ларионов ялганть как.

Белгородцев ялгась эсинзэ валсонзо кеместэ критиковась ВЛКСМ-нь обкомонть ды сонзэ секретарьтнень сень кис, што сын нсшкалгавтызь революционной бдительностень. Атак вант сень лангс, што Атяшевасо троцкист-нэнь гнусной тевдест ульнесь сигнал, обкомось шкастоэзэ при-ма эрвикс мерат. Ульнесь сиг-налт Игнатовастояк, сын таго яла

неть сигналнень лангс эзть вано. Те корты седе, што обкомось а содасы комсомолонь организа-циянтэ, сын ансяк телефон вель-де сюлмазь райкомонь секретарь-тнень марто.

ВЛКСМ-нь обкомось колы со-юзной демократиянтэ—корты седе тов Белгородцев ялгась.—Райком-тнэнь ВЛКСМ-нь обкомонть меремавтомом а кода ютавтомс райкомонь пленумт, сын ютав-невить ансяк обкомонть решени-янзо коряс. Теде башка обкомонь секретарьтне, башка Иванов ял-гась, теевсь истямо „вождекс“, што кодаяк а понгат сонзэ каби-нетс, штобу седейшкава кортнемс работадо.

Левин ялгась (Ардатовасто) ВЛКСМ-нь обкомонть пек кри-тиковась сень кис, што сын леп-штысть критиканть ды самокрити-канть. Сон башка критиковинзе критиканть лепштямонзо кис Лю-паев ды Борисов ялгатнень, ко-нат арсить, што критиковамс пра-васт улить ансяк сынст. Иванов ялгась жо пачкодсь сезэй, што аволь сон комсомольской органи-зациянтень служи, но комсомоль-ской организациясь сонзэ туртов ашти

Подробной материал макстано сы №.